



Broj: JN-1-01-16-4-24-8/19

Datum: 9.8.2019. godine

Na osnovu člana 55. Zakona o upravi („Službeni glasnik BiH“, br. 32/02 i 102/09) i člana 25, člana 64. stav (1) tačka (b), 68. stav 4. tačka i) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj: 39/14), na Preporuku Komisije za javnu nabavku, broj: JN-1-01-16-4-24-6/19 od 24.7.2019. godine, u postupku nabavke informaciono-tehničke opreme, ugovorni organ Ministarstvo za ljudska prava i izbjeglice Bosne i Hercegovine donosi sljedeću:

### **ODLUKU**

#### **o izboru najpovoljnijeg ponuđača za nabavku informaciono-tehničke opreme**

##### **Član 1.**

Prihvata se Preporuka Komisije za nabavku, broj: JN-1-01-16-4-24-6/19 od 24.7.2019. godine i Ugovor o kupoprodaji informaciono-tehničke opreme dodjeljuje se ponuđaču EMADO d.o.o, SARAJEVO, Ul. Azize Šaćirbegović br. 112, 71 000 Sarajevo, ponuda broj: 0107119ZT01 od 11.7.2019. godine, za ponuđenu cijenu sa popustom bez PDV-a: 31.027,00 KM, odnosno 36.301,59 KM sa PDV-om.

##### **Član 2.**

Izabrani ponuđač je dužan dostaviti dokaze o kvalifikovanosti u skladu sa članom 45. stav (1) tačke a) do d) i iz člana 47. stav (1) tačke c) Zakona o javnim nabavkama i to u roku od 5 (pet) dana nakon što bude obaviješten od strane ugovornog organa o rezultatima postupka nabavke.

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor će biti dodijeljen drugorangiranom ponuđaču.

##### **Član 3.**

Ugovor o nabavci informaciono-tehničke opreme zaključit će se sa izabranim ponuđačem. Rok za isporuku je 60 (šezdeset) dana od datuma kada ugovor stupi na snagu.

##### **Član 4.**

Ova odluka će se objaviti na web stranici Ministarstva za ljudska prava i izbjeglice BiH ([www.mhrr.gov.ba](http://www.mhrr.gov.ba)), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

##### **Član 5.**

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

##### **Član 6.**

Ova Odluka stupa na snagu danom donošenja.

### **Obrazloženje**

Postupak javne nabavke pokrenut je Odlukom o pokretanju postupka javne nabavke informaciono-tehničke opreme, broj: JN-1-01-16-4-24-1/19 od 18.6.2019. godine. Javna nabavka je provedena putem otvorenog postupka za dostavu ponuda za nabavku informaciono-tehničke opreme.

Ukupna procijenjena vrijednost javne nabavke bez PDV-a: 31.310,26 KM.

Obavještenje o nabavci, broj: 679-1-1-20-3-16/19 od 18.6.2019. godine na Portalu javnih nabavki. Službeni glasnik BiH broj: 42/19 od 21.6.2019. godine.

Tenderska dokumentacija, broj: JN-1-01-16-4-24-2/19 od 18.6.2019. godine. Komisija za nabavku imenovana je Odlukom, broj: 01-02-2-297-2/19 od 23.01.2019. godine.

Komisija za nabavke dostavila je ugovornom organu Zapisnik o pregledu i ocjeni ponuda broj: JN-1-01-16-4-24-5/19 od 11.7.2019. godine, Preporuku o izboru najpovoljnijeg ponuđača broj: JN-1-01-16-4-24-6/19 od 24.7.2019. godine i Izvještaj o radu broj: JN-1-01-16-4-24-7/19 od 24.7.2019. godine u postupku javne nabavke informaciono-tehničke opreme.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno četiri (4) ponude;
- da je blagovremeno primljeno četiri (4) ponude;
- da je nije bilo neblagovremeno primljenih ponuda;
- da se ponuda ponuđača ASPO RAIL d.o.o SARAJEVO isključuje iz postupka dalje evaluacije i kvalifikacije, zbog neispunjavanja uslova za kvalifikaciju i u skladu sa članom 68. stav 4. tačka i) Zakona o javnim nabavkama odbacuju kao nepotpuna.
- da su ponude ponuđača: EMADO d.o.o, SARAJEVO; REBUS d.o.o, SARAJEVO i ELUR d.o.o, KISELJAK kvalifikovane i prihvatljive, te da su dostavljeni su svi traženi dokazi propisani tenderskom dokumentacijom na propisan način.

#### **ASPO RAIL d.o.o SARAJEVO**

Uvidom u ponudu ponuđača ASPO RAIL d.o.o SARAJEVO utvrđeno je sljedeće:

Tačka 17. Tenderske dokumentacije – Aneksi, nabrojani su od 1 do 9 Aneksi koji moraju biti sastavni dio ponude, u napomeni stoji: Svi Aneksi trebaju biti sastavni dio ponude, u suprotnom će se ponuda odbiti.

Uvidom u Tendersku dokumentaciju ponuđača ASPO RAIL d.o.o SARAJEVO utvrđeno je da nedostaje prva stranica Aneksa 1 - Obrazac za cijenu ponude, sa grupom A.

Iz prethodno navedenog, dostavljenih dokaza i ispunjenosti svih naprijed navedenih uslova ponuda ponuđača ASPO RAIL d.o.o SARAJEVO se isključuje zbog neispunjavanja uslova za kvalifikaciju i u skladu sa članom 68. stav (1) i stav (4) tačka i) Zakona o javnim nabavkama odbacuje kao nepotpuna.

U skladu sa Pravilnikom o uslovima i načinu korištenja e-aukcije, („Službeni glasnik BiH“, broj 66/17), u predmetnom postupku zakazana je i provedena e-aukcija dana 22.7.2019. godine u 12,00 sati na Portalu javnih nabavki.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled i ocjenu ponude, u skladu sa kriterijima iz Tenderske dokumentacije.

U postupku ocjene provedenog postupka ugovorni organ nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, Tenderskom dokumentacijom i provedenom e-aukcijom.

Uvidom u priloženu dokumentaciju, nesporno je da je izabrani ponuđač najbolje ocijenjen zbog kriterija: „najniže cijene“ utvrđenoj u Obavještenju o nabavci, Tenderskoj dokumentaciji i provedenoj e-aukciji.

Naziv i sjedište ponuđača		Kriterij-najniža cijena sa popustom (bez PDV-a) nakon provedene e-aukcije
1.	EMADO d.o.o, SARAJEVO	31.027,00 KM

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba Ugovornom organu, najkasnije u roku 10 (deset) dana od dana prijema ove Odluke.

Dostaviti:

- Ponuđačima,
- Sektor za opšte, pravne i finansijsko-materijalne poslove,
- a/a

